

քաղ. Երևան

«22» *օգոստոս* 2012թ.

Հայաստանի Հանրապետության էներգետիկայի և բնական պաշարների նախարարությունը՝ ի դեմս նախարար ԱՐՄԵՆ ՄՈՎՍԻՍՅԱՆԻ, որը գործում է Հայաստանի Հանրապետության անունից, իր լիազորությունների սահմաններում (այսուհետ՝ լիազոր մարմին) մի կողմից, և «ՄԵՂՐԱՁՈՐ ԳՈԼԴ» ՍՊԸ տնտեսավարող սուբյեկտը (այսուհետ՝ ընդերքօգտագործող), ի դեմս ՎԱՐԴԱՆ ՄԱՐԳԱՐՅԱՆԻ, որը գործում է իր կանոնադրության հիման վրա, մյուս կողմից, ղեկավարվելով Հայաստանի Հանրապետության քաղաքացիական օրենսգրքով, Հայաստանի Հանրապետության ընդերքի մասին օրենսգրքով (այսուհետ՝ օրենսգիրք) և այլ իրավական ակտերով, համապատասխանաբար նախարարության և տնտեսավարող սուբյեկտի կանոնադրություններով և հիմք ընդունելով Հայաստանի Հանրապետության օրենսդրությամբ սահմանված համապատասխան փաստաթղթերը, տրամադրվող հանքավայրի կամ հանքավայրի տրամադրվող տեղամասի կամ հանքային ջրի աղբյուրի կամ հորատանցքի շահագործման նախագիծը, կնքեցին սույն ընդերքօգտագործման պայմանագիրը (այսուհետ՝ պայմանագիր):

## 1. Ընդհանուր դրույթներ

1.1 Պայմանագիրը նախատեսում է հանքավայրը կամ հանքավայրի տեղամասը կամ հանքային ջրի աղբյուրը կամ հորատանցքը շահագործման տրամադրելու պայմանները և ժամկետները, լեռնահատկացման կոորդինատները, կամ հանքային ջրի աղբյուրի կամ հորատանցքի կոորդինատները և սանիտարական գոտու սահմանները, կողմերի իրավունքներն ու պարտականությունները, վճարների (բնօգտագործման, բնապահպանական, բնության և շրջակա միջավայրի պահպանության դրամազլխի համալրման, մշտադիտարկումների իրականացման) վճարման վերաբերյալ դրույթներ, բնապահպանական կառավարման պլանը, ընդերքօգտագործման իրավունքի դադարեցման (զգուշացման, հրաժարման, փոփոխության), համայնքի սոցիալ-տնտեսական զարգացման ոլորտում ստանձնած պարտավորությունների չափի և կատարման ժամկետների վերաբերյալ, հանքի փակման հետ կապված դրույթները, ինչպես նաև նրանց փոխհարաբերությունները կարգավորող այլ պայմաններ:

1.2 Պայմանագիրը բաղկացած է հիմնական տեքստից և N 1 հավելվածից, որը կազմում է պայմանագրի անբաժանելի մասը:

1.3 Պայմանագրով չկարգավորված հարաբերությունները, այդ թվում՝ կողմերի այլ իրավունքները կարգավորվում են օրենսգրքով, ինչպես նաև ոլորտը կարգավորող այլ իրավական ակտերով:

## 2. Պայմանագրի առարկան

2.1 Պայմանագրով՝ Լիազոր մարմինն ընդերքօգտագործողին տարեկան

60.0 հազ. տ օգտակար հանածոյի պաշարների մարման համար  
(օգտակար հանածոյի քանակը, մ<sup>3</sup>, գ/տ)  
 ստորգետնյա և բաց մշակման եղանակներով ժամանակավոր տիրապետմանն ու օգտագործմանն է հանձնում 2011թ դեկտեմբերի 22-ից մինչև 2023թ սեպտեմբերի 10-ը, իսկ ընդերքօգտագործողն ընդունում է ՀՀ Կոտայքի մարզի Մեղրաձորի ոսկու հանքավայրի

(հանքավայրի անվանումը)

հաշվեկշռային պաշարներն օգտագործման ամբողջ ժամկետի համար 384.665 հազ. տ

ըստ  $C_1 + C_2$  կարգերի այդ թվում մ  $C_1$  կարգով-144.0 հազ.տ,  $C_2$  կարգով- 240.665 հազ.տ, ոսկի՝  $C_1 + C_2$  կարգերով կազմում է 4753,5կգ այդ թվում մ  $C_1$  կարգով՝ 1767.8 կգ,  $C_2$  կարգով-2967,5կգ, արծաթ  $C_1+C_2$  կարգերով կազմում է 8,0615 տ, այդ թվում մ  $C_1$  կարգով -3,48տ,  $C_2$  կարգով -4,5815տ, թելուր  $C_2$  կարգով -8,739տ:

(հիմնական և ուղեկից օգտակար հանածոների քանակները՝ ըստ կարգերի)

որոնք հատկազօծի վրա և ըստ խորու թյան սահմանակալվում են հետևյալ կոորդինատներով՝

1. X=4499040	Y=8467362	H=2290.2	(-540.2)
2. X=4499504	Y=8469322	H=2272.3	(-522.3)
3. X=4499054	Y=8469540	H=2181.2	(-380.5)
4. X=4498832	Y=8470502	H=2060.4.	(-299.3)
5. X=4498664	Y=8470907	H=2062.4	(-50.0)
6. X=4498464	Y=8470892	H=2045.6	(-50.0)
7. X=4498335	Y=8471652	H=1800.0	(-282.4)
8. X=4498255	Y=8471652	H=1800.0	(-326.8)
9. X=4497295	Y=8469017	H=1800.0	(-50.0)
10. X=4497690	Y=8467362	H=1877.0	(-122.3)

(տրամադրվող պաշարների սահմանների ծայրակետային կոորդինատները)

Ոսկի՝  $C_1$  կարգով-14.8գ/տ,  $C_2$  կարգով-12.0գ/տ, արծաթ՝  $C_1$  կարգով-24.7գ/տ,  $C_2$  կարգով-18.6գ/տ, թելուր  $C_2$  կարգով-23.4գ/տ: արտահաշվեկշռային  $C_2$  կարգով՝ ոսկի-5.7գ/տ, արծաթ-8.1գ/տ, թելուր-23.4գ/

(հիմնական և ուղեկից բաղադրիչների պարունակությունը, %, գ/տնայլև)

**Ոսկի, արծաթ, թելուր,**

(օգտակար հանածոյի պաշարների տեսակները (տարատեսակները))

(օգտակար հանածոյի և եռնային գանգվածից հանքարտադրատեսակի ելքը)

Լեռնահատկացման սահմանները հատկազօծի վրա և ըստ խորու թյան (հավելված) համաձայն Լեռնահատկացման ակտի թիվ ԼՎ-057

(ակտի համարը)

Պայմանագրի N 1 հավելվածով նշվում են ընդերքօգտագործողի \$ինանսական առաջարկները և նրա կողմից վճարվող ընդերքօգտագործման վճարները,

Պայմանագիրն ըստ անհրաժեշտության կարող է ունենալ նաև այլ հավելվածներ՝ օգտակար հանածոյի արդյունահանման և հումքի վերամշակման աշխատանքների ժամկետները, ըստ փուլերի, իսկ

զուգահեռաբար երկրաբանական ու սու մնասիրության աշխատանքներ կատարելու դեպքում դրանց կատարման ժամանակացույցի:

2.2 Լիազոր մարմինը երաշխավորում է, որ պայմանագրի 2.1-ին կետում նշված հանքավայրը կամ հանքավայրի տեղամասը գրավ դրված, վարձակալության, անհատույց օգտագործման տրված չէ, կառուցապատված կամ կառուցապատման իրավունքով ծանրաբեռնված չէ, ինչպես նաև արգելանքի տակ չի գտնվում:

2.3 Պայմանագրի գործողության ընթացքում հանքավայրի օգտագործման արդյունքում ընդերքօգտագործողի ստացած շահույթը նրասեփականությանն է:

### **3. Կողմերի իրավունքները և պարտականությունները**

#### **3.1 Լիազոր մարմինը իրավունք ունի՝**

3.1.1 ընդերքօգտագործողից պահանջելու հանքավայրը շահագործել ընդերքի օգտագործման և պահպանության բնագավառում ընդունված ստանդարտներին, նորմերին ու կանոններին համապատասխան.

3.1.2 գրավոր զգուշացնելու և վաղաժամկետ լուծելու պայմանագիրն օրենսգրքի 30-րդ հոդվածի համաձայն.

3.1.3 ստուգելու ընդերքօգտագործման ընթացքում երկրաբանական և մարկշեյդերական փաստագրության վարման լիարժեքությունը, օգտակար հանածոների պաշարների շարժի հաշվառման իրականացման և տեղեկատվության ներկայացման սահմանված պահանջների կատարումը.

3.1.4 ստուգելու ընդերքօգտագործման վճարների օբյեկտ համարվող փաստացի ծավալների չափաբանակների, վճարների հաշվարկման և հաշվարկ-հաշվետվությանն ներկայացման կարգի պահանջների կատարումը.

3.1.5 ստուգելու ընդերքօգտագործման պայմանագրով նախատեսված պարտավորությունների և նախագծի պահանջների կատարումը՝ բացառությամբ բնության և շրջակա միջավայրի պահպանության ոլորտում բնապահպանության բնագավառի պետական կառավարման լիազոր մարմնի իրավասությունների.

3.1.6 պահանջելու ընդերքօգտագործողից օգտակար հանածոների պաշարների լիակատար կորզում և հիմնական ու համատեղ գտնվող օգտակար հանածոների և դրանց ուղեկցող բաղադրամասերի ողջամիտ և համալիր օգտագործում կամ դրանց պահեստավորումն ու պահպանումը.

3.1.7 պահանջելու ընդերքօգտագործողից ընդերքօգտագործման իրավունքի ժամկետը լրանալուց հետո կամ դրանից հրաժարվելու դեպքում նրանց տնօրինման տակ գտնվող երկրաբանական տեղեկությունը 3 ամսվա ընթացքում հանձնել լիազոր մարմնին.

3.1.8 իրականացնելու ընդերքի տրամադրված տեղամասում երկրաբանական ու սու մնասիրությանն ներկայացված օգտակար հանածոների հայտնաբերման նպատակով, այդ մասին առնվազն 14 օր առաջ գրավոր իրազեկելով ընդերքօգտագործման իրավունք կրողին.

3.1.9 ստուգվող սուբյեկտի ներկայացուցչի մասնակցությամբ անարգել մուտք գործելու ստուգվող սուբյեկտի գրասենյակային, արտադրական, պահեստային, լաբորատոր և այլ տարածքներ ու ստորաբաժանումներ.

3.1.10 ստուգման ընթացքում ստուգվող սուբյեկտից պահանջելու փաստաթղթեր, տվյալներ, բացատրություններ, տեղեկանքներ, ինչպես նաև վերցնելու փորձամուշներ, կատարելու կապարակներում և չափագրումներ, որոնք անմիջականորեն առնչվում են ստուգման նպատակներին.

3.1.11 ընդերքի օգտագործման և պահպանության պետական վերահսկողություն իրականացնելու տեսչական ստուգումների, ստուգումների և ուսումնասիրությունների միջոցով՝ «Հայաստանի Հանրապետությունում ստուգումների կազմակերպման և անցկացման մասին» Հայաստանի Հանրապետության օրենքով սահմանված կարգով և ընդերքի մասին Հայաստանի Հանրապետության օրենսգրքի դրույթներին համապատասխան:

### **3.2 Լիազոր մարմինը պարտավոր է՝**

3.2.1 ընդերք օգտագործողին սահմանված կարգով տրամադրել հանքավայրին վերաբերվող փաստաթղթերը.

3.2.2 գրավոր իրազեկել ընդերք օգտագործողին առնվազն 14 օր առաջ ընդերքի տրամադրված տեղամասում երկրաբանական ուսումնասիրության աշխատանքներ իրականացնելու համար օրենսգրքի 3-րդ հոդվածի 5-րդ կետով տրված համաձայնության մասին:

### **3.3 Ընդերք օգտագործողն իրավունք ունի՝**

3.3.1 բացառիկ իրավունքով կատարելու երկրաբանական ուսումնասիրություն և լեռնահատկացման սահմաններում, իսկ հատկացված ընդերքի տեղամասում՝ օգտակար հանածոյի արդյունահանում.

3.3.2 մտնելու ընդերքի տեղամաս և իրականացնելու նախազօով նախատեսված բոլոր աշխատանքներն օգտակար հանածոյի արդյունահանման և ուսումնասիրության նպատակով.

3.3.3 օգտակար հանածոյի արդյունահանման նպատակով կառուցելու անհրաժեշտ շենքեր, շինություններ, հաղորդակցության ուղիներ, տեղադրելու սարքավորումներ, փոխադրելու և հարստացնելու արդյունահանված օգտակար հանածոն.

3.3.4 տնօրինելու արդյունահանված օգտակար հանածոն.

3.3.5 օրենսգրքի պահանջների պահպանմամբ հանքարդյունահանման իրավունքի ընթացքում օգտագործելու սեփական գործունեության արդյունքում առաջացած արտադրական լցակույտերը.

3.3.6 իրեն տրամադրված օգտակար հանածոյի արդյունահանման իրավունքի շրջանակում երկրաբանական ուսումնասիրություն իրականացնելու նպատակով քաղաքացիաիրավական պայմանագրերի կնքմամբ ներգրավելու երրորդ անձանց.

3.3.7 դիմելու լիազոր մարմին օգտակար հանածոյի արդյունահանման պայմանագրի պայմանները փոփոխելու նպատակով,

եթե հայ տնվել են Էապես նոր՝ նախկինում չնախատեսված հանգամանքներ.

3.3.8 վաղաժամկետ հրաժարվելու օգտակար հանաճոյի արդյունահանման իրավունքից՝ կատարելով պայմանագրով և օրենսգրքով նախատեսված պարտավորությունները:

### **3.4 Ընդերքօգտագործողը պարտավոր է՝**

3.4.1 իրականացնել աշխատանքներն օգտակար հանաճոյի արդյունահանման պայմանագրի և նախագծի պայմաններին համապատասխան.

3.4.2 կատարել լիազոր մարմնի և այլ իրավասու պետական մարմինների՝ օրենսդրության պահանջների պահպանման նպատակով տրված ցուցումները.

3.4.3 պահպանել օգտակար հանաճոյի արդյունահանման, տեղափոխման և վերամշակման ընթացքում Հայաստանի Հանրապետության նույն ընդունված ստանդարտների, նորմերի ու կանոնների պահանջները.

3.4.4 ապահովել օգտակար հանաճոյի արդյունահանման նախագծի պահանջների կատարումը.

3.4.5 վարել երկրաբանական, մարկշեյդերական և այլ փաստագրություն, պահպանել դրանք ընդերքօգտագործման բոլոր ձևերի աշխատանքների ընթացքում.

3.4.6 վարել օգտակար հանաճոյների պաշարների ամենօրյա շարժի գրանցամատյանը.

3.4.7 ներկայացնել լիազոր մարմնին օգտակար հանաճոյների պաշարների շարժի վերաբերյալ եռամսյակային և տարեկան հաշվետվությունները.

3.4.8 հանձնել լիազոր մարմնին անհրաժեշտ երկրաբանական տեղեկությունը.

3.4.9 հավաքել, պահպանել և լիազոր մարմնին տրամադրել ուսումնասիրված, արդյունահանված և ընդերքում կորսված օգտակար հանաճոյների պաշարների, դրանց պարունակած բաղադրամասերի, որակի ու քանակի մասին տվյալներ.

3.4.10 ապահովել ընդերքօգտագործման հետ կապված աշխատանքների կատարման անվտանգությունը.

3.4.11 ապահովել ընդերքի, մթնոլորտի, հողի, անտառների, ջրերի ու բնության և շրջակա միջավայրի մյուս օբյեկտների, ինչպես նաև շինությունների և այլ կառույցների պահպանությունն ընդերքօգտագործման հետ կապված աշխատանքների վնասակար ազդեցությունից.

3.4.12 ապահովել բնության, պատմական և մշակույթի հուշարձանների պահպանությունն ընդերքօգտագործման հետ կապված աշխատանքների վնասակար ազդեցությունից.

3.4.13 ապահովել շրջակա միջավայրի վրա ազդեցության փորձաքննության եզրակացությունը նախատեսված պայմանները.

3.4.14 նախագծի և օգտակար հանաճոյի արդյունահանման պայմանագրի համաձայն վերականգնել և բարելավել

ընդերքօգտագործման հետևանքով խախտված հողամասերը (ռեկուլտիվացիա), ինչպես նաև դրանք պիտանի դարձնել տնտեսության մեջ օգտագործման համար կամ բերել անվտանգ վիճակի.

3.4.15 տեղեկացնել լիազոր մարմնին օգտակար հանածոյի արդյունահանման պայմանագրում չնշված օգտակար հանածոների կուտակումների հայտնաբերման մասին դրանց հայտնաբերումից հետո՝ 14 օրվա ընթացքում.

3.4.16 նոր հայտնաբերված օգտակար հանածոների արդյունահանում չիրականացնելու դեպքում իրականացնել դրա պահուստավորումը կառավարության սահմանած կարգով.

3.4.17 ապահովել հանքի փակման ծրագրի, այդ թվում՝ հանքի փակումից հետո աշխատուժի սոցիալական մեղմացման նախատեսվող միջոցառումների իրականացումը.

3.4.18 ապահովել փակվող հանքի անմիջական ազդեցության գոտում գտնվող համայնքների սոցիալ-տնտեսական մեղմացման նախատեսվող միջոցառումների իրականացումը.

3.4.19 ապահովել օգտակար հանածոյի արդյունահանված տարածքի, արդյունահանման ընթացքում առաջացած արտադրական լցակույտերի տեղադիրքի և դրանց հարակից համայնքների բնակչության անվտանգության և առողջության ապահովման նպատակով մշտադիտարկումների համար նախատեսված վճարի վճարումը.

3.4.20 ոչ ուշ, քան հինգ տարին մեկ անգամ շահագործվող հանքավայրում (տեղամասում) կոնդիցիաները և պաշարները ենթարկել վերագնահատման և ներկայացնել լիազոր մարմնի վերահաստատմանը.

3.4.21 ընդերքօգտագործման իրավունքի ժամկետը լրանալուց հետո կամ դրանից հրաժարվելու դեպքում իր տնօրինման տակ գտնվող երկրաբանական տեղեկությունը 3 ամսվա ընթացքում սահմանված կարգով հանձնել լիազոր մարմնին.

3.4.22 տեղեկացնել ընդերքօգտագործման իրավունքի իրավահջորդության մասին լիազոր մարմնին վերակազմակերպման գրանցման պահից 14 օրվա ընթացքում.

3.4.23 սկսել աշխատանքները սահմանված կարգով հողհատկացման իրավունքի տրամադրումից հետո.

3.4.24 թույլատրել լիազոր մարմնին ստուգման նպատակով անարգել մուտք գործելու գրասենյակային, արտադրական, պահեստային, լաբորատոր և այլ տարածքներում ստորաբաժանումներ.

3.4.25 տրամադրել լիազոր մարմնին ստուգման ընթացքում պահանջվող փաստաթղթեր, տվյալներ, բացատրություններ, տեղեկանքներ, ինչպես նաև թույլատրել վերցնելու փորձանմուշներ, կատարել կապարակներում և չափագրումներ, որոնք անմիջականորեն առնչվում են ստուգման նպատակներին.

3.4.26 կատարել Հայաստանի Հանրապետության օրենքներով սահմանված բոլոր պարտականությունները.

#### **4. Չգուշացում**

4.1 Լիազոր մարմնինը, օրենսգրքի 30-րդ հոդվածի համաձայն, կարող է ընդերքօգտագործողին տալ զգուշացում, եթե նա՝

4.1.1 չի կատարում օրենսգրքով նախատեսված պարտավորությունները.

4.1.2 չի կատարում ընդերքօգտագործման իրավունքի պայմանները, այդ թվում՝ պայմանագրով, նախագծով ընդերքօգտագործման իրավունքով նախատեսված

իր պարտավորությունների իրականացմանն առնչվող պայմանները՝ բացառությամբ օրենսգրքով սահմանված դեպքերի

4.1.3 չի վճարել օրենքով նախատեսված վճարները՝ սահմանված օրվանից մեկ ամսվա ընթացքում:

4.2 Լիազորմարմինն իրավունք չունի որոշում ընդունել ու ընդերքօգտագործման իրավունքի դադարեցման մասին, եթե իրավունք կրողը զգուշացման մասին ծանուցումը ստանալուց հետո՝ ոչ ավելի, քան 90 օրվա ընթացքում վերացրել է նշված հիմքերը:

## **5. Հաշվետվություններ և տեղեկություններ**

5.1 Ընդերքօգտագործման իրավունք կրողը լիազորմարմին օրենսգրքով, այլ օրենքներով սահմանված կարգերով պարտավոր է ներկայացնել հետևյալ հաշվետվությունները և տեղեկությունները՝

5.1.1 ընդերքօգտագործման բնագավառում բնօգտագործման վճարների հաշվարկ-հաշվետվություններ.

5.1.2 օգտակար հանածոների պաշարների տարեկան հաշվետվություններ (5-ՕՐՊՅ).

5.1.3

5.2 Հաշվետվությունների ձևերի փոփոխման դեպքում լիազորմարմինը պարտավոր է այդ մասին տեղեկացնել ընդերքօգտագործողին՝ փոփոխությունների կատարման պահից մեկամսյա ժամկետում:

5.3 Ընդերքօգտագործողը սահմանված վճարների վերաբերյալ տեղեկատվությունը լիազորմարմին է ներկայացնում Հայաստանի Հանրապետության օրենսդրությամբ նախատեսված ժամկետներում, կարգով և ձևով:

## **6. Պայմանագրի ու ժիմեջ մտնելը, գործողության ժամկետը և լուծումը**

6.1 Պայմանագիրն ու ժիմեջ է մտնում կնքման պահից և գործում է թույլ տվության գործողության ամբողջ ժամանակահատվածում, եթե պայմանագրով սահմանված հիմքերով պայմանագիրը վաղաժամկետ չի լուծվել:

6.2 Պայմանագիրը գործում է նաև ժամկետի կամ թույլ տվությամբ տրամադրված ընդերքի տեղամասի սահմանված կարգով փոփոխության դեպքում: Եթե երկարաձգվել է թույլ տվության պայմանների փոփոխությամբ, ապա պայմանագիրը շարունակում է գործել՝ հաշվի առնելով այդ փոփոխությունները:

6.3 Պայմանագիրը կարող է լուծվել՝

6.3.1 լիազորմարմնի նախաձեռնությամբ՝ ընդերքօգտագործողի կողմից պայմանագրի դրույթների խախտման դեպքում:

6.3.2 ընդերքօգտագործողի նախաձեռնությամբ՝ ընդերքօգտագործողի կողմից ընդերքօգտագործման իրավունքի օբյեկտ հանդիսացող ընդերքի ամբողջ տեղամասից հրաժարվելու

դեպքում դիմում ներկայացնելու և լիազոր մարմնի կողմից հրաժարման հավաստագիր տրամադրելու դեպքում:

6.3.3 թույլ տվող թյան ժամկետի ավարտի դեպքում:

6.4 Լիազոր մարմնի կողմից թույլ տվող թյունն օրենսգրքով սահմանված դեպքերում և կարգով վաղաժամկետ դադարեցվելու դեպքում պայմանագիրը համարվում է լուծված:

## **7. Պայմանագրում փոփոխություն կատարելու հիմքերը**

Լրահետափուլում և (կամ) շահագործական հետափուլում արդյունքում հանքավայրում պաշարների էական փոփոխության, հանքավայրի լեռնաերկրաբանական, տեխնիկա տեսակական պայմանների զգալի փոփոխման դեպքում ընդերք օգտագործողի առաջարկությամբ լիազոր մարմինը կարող է ընդերք օգտագործման իրավունքը ձևավորող փաստաթղթերում կատարել համապատասխան փոփոխություններ: Հանքավայրի շահագործման փոփոխված պայմանները ներկայացվում են առանձին (հավելված ---):

## **8. Անհաղթահարելի ուժի, ինչպես նաև կողմերի գործունեության հետջ կապված դեպքեր**

Պայմանագրով պարտավորություններն ամբողջությամբ կամ մասնակիորեն չկատարելու դեպքում կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են՝ հրդեհների, ջրհեղեղների, երկրաշարժերի, փոթորիկների կամ այլ բնական աղետների, ինչպես նաև պայթյունների, պատերազմի, ահաբեկչության, քաղաքացիական պատերազմի, անկարգությունների, ապստամբության, ազգայնացման և այլ դեպքեր, որոնք անհնարին են դարձնում սույն պայմանագրով նախատեսված պարտավորությունների կատարումը:

## **9. Վեճերի լուծումը**

Պայմանագրի կատարման ընթացքում կողմերի միջև առաջացած վեճերը լուծվում են բանակցությունների միջոցով: Համաձայնություն ձեռք չբերվելու դեպքում վեճերի լուծումը կատարվում է դատական կարգով:

## **10. Ծանուցում**

Պայմանագրի գործողության ընթացքում կողմերի միջև ծանուցումները, հաղորդումների կատարումը համարվում է պատշաճ, եթե կատարված է գրավոր և տրված է առձեռն, կամ ուղարկված է պատվիրված նամակով կամ էլեկտրոնային փոստով կամ կատարված է փոխանցում \$աբսի միջոցով կողմի ստորև նշված հասցեով կամ այդ նպատակով կողմի նշած մեկ այլ հասցեով, ընդ որում յուրաքանչյուր դեպքում պետք է առկա լինի գրավոր ստացական, որը կարող է փոխանցվել էլեկտրոնային փոստի կամ \$աբսի միջոցով:

## **11. Այլ դրույթներ**

11.1 Սույն պայմանագրի հավելվածները կազմում են նրա անբաժանելի մասը:

11.2 Սույն պայմանագիրը կազմված է 3 օրինակից՝ հայերեն լեզվով, որոնք ունեն հավասարազոր իրավաբանական ուժ:





11.3 Պայմանագրին կցվում է հավելված՝ N 1 ֆինանսական առաջարկները և ընդերքօգտագործման վճարները 2 էջից:

**12. Կողմերի գտնվելու վայրը, բանկային վավերապայմանները և ստորագրությունները**

Լիազոր մարմին ՀՀ էներգետիկայի և բնական պաշարների նախարարություն

ՀՀ, Երևան 0010, Հանրապետության հրապարակ, Կառավարության տուն 2

(փոստային դասիչը, գտնվելու վայրը)

հեռ.521-964, ֆաքս՝ (37410) 526-365; Ֆին. նախ. գործառն. վարչ. հ/հ900011009082

(հեռախոսահամարները, հեռագրային դասիչները, հաշվարկային հաշիվ)

Ընդերքօգտագործող՝ «Մեղրաձոր Գոլդ» ՍՊԸ, ՀՀ Կոտայքի մարզ, գ. Մեղրաձոր,

6/1 փող. թիվ 1 ձեռնարկություն

(փոստային դասիչը, գտնվելու վայրը,)

հեռ. (091) 40-68-72, «Ամերիաբանկ» ՓԲԸ, հ/հ 1570012324770100, հվհ 02709666

(հեռախոսահամարները, հեռագրային դասիչները, հաշվարկային հաշիվ, հարկային կոդը)

**ՀՀ ԷՆԵՐԳԵՏԻԿԱՅԻ ԵՎ ԲՆԱԿԱՆ**

**ՊԱՇԱՐՆԵՐԻ ՆԱԽԱՐԱՐ՝**

ԱՐՄԵՆ ՄՈՎՍԻՍՅԱՆ

(անունը, ազգանունը)

  
  
«22» Օգոստոս 2012թ.  
Կ.Տ.

**ԸՆԴԵՐՔՕԳՏԱԳՈՐԾՈՂ՝**

**«ՄԵՂՐԱՁՈՐ ԳՈՂԴ» ՍՊԸ**

(կազմակերպության անվանումը)

ՎԱՐԴԱՆ ՄԱՐԳԱՐՅԱՆ

(անունը, ազգանունը)

  
  
«22» Օգոստոս 2012թ.

**ՖԻՆԱՆՍԱԿԱՆ ԱՌԱՋԱՐԿՆԵՐԸ ԵՎ ԸՆԴԵՐՔՕԳՏԱԳՈՐԾՄԱՆ ՎՃԱՐՆԵՐԸ**  
**1. Ընդերքօգտագործողի կողմից օգտակար հանածոների արդյունահանման նպատակով ֆինանսական առաջարկները**

h/h	Աշխատանքների անվանումը	Ներդրումների կատարման ժամանակացույց	Գումարը հազ. դրամ
1.	Ընդերքօգտագործման փաստաթղթերի փաթեթի ձևակերպում՝		
	ա) հանքարդյունահանման լիցենզիայի (հատուկ լիցենզիայի) տարեկան պետական տուրքի գումարը	մինչև 06.06. 2011թ	10000.0
	բ) ընդերքօգտագործման նախագծի լրամշակում,	մինչև 01.09. 2011թ	6000.0
2.	Հանքավայրի նախապատրաստում շահագործման՝		14000.0
	այդ թվում՝		
	ա/ հանքուղիներ տանող ճանապարհի վերանորոգում	մինչև 15.07.2011թ	6000.0
	բ/ երկաթուղային գծի նորոգում	մինչև 01.09.2011թ	8000.0
3.	Անհրաժեշտ լեռնահանքային սարքավորումների և տրանսպորտային միջոցների ձեռքբերում	մինչև 01.09.2011թ	20000,0
Ընդամենը			50000.0

**2. Պետական տուրքի և ընդերքօգտագործման վճարներ**

2.1 ընդերքօգտագործման դիմաց ընդերքօգտագործողների կողմից Հայաստանի Հանրապետության պետական բյուջե վճարում են պարտադիր վճարներ (բնապահպանական, բնօգտագործման կամ ոռոյալթի)՝ «Բնապահպանական և բնօգտագործման մասին» Հայաստանի Հանրապետության օրենքով սահմանված կարգով և չափով.

2.2 ընդերքօգտագործման թույլտվության դիմաց ընդերքօգտագործողների կողմից Հայաստանի Հանրապետության պետական բյուջե վճարվում է տարեկան պետական տուրք՝ համաձայն «Պետական տուրքի մասին» Հայաստանի Հանրապետության օրենքով սահմանված կարգով և չափով:

3. Բնության և շրջակա միջավայրի դրամագլխին և օգտակար հանածոյի արդյունահանված տարածքի, արդյունահանման ընթացքում առաջացած արտադրական լցակույտերի տեղադիրքի և դրանց հարակից համայնքների բնակչության անվտանգության և առողջության ապահովման նպատակով մշտադիտարկումների վճարներ

3.1 ընդերքօգտագործման դիմաց ընդերքօգտագործողների կողմից բնության և շրջակա միջավայրի դրամազվիսի վճարներ՝ Հայաստանի Հանրապետության օրենսդրությամբ սահմանված չափով և վճարման կարգով.

Դրամազվիսին ընթացիկ հատկացումները կատարվում են հետևյալ ժամանակացույցին համապատասխան, սկսած 2012-2022թ.թ. ներառյալ՝ տարեկան 307.74 հազ դրամ

3.2 օգտակար հանածոյի արդյունահանված տարածքի, արդյունահանման ընթացքում առաջացած արտադրական լցակույտերի տեղադիրքի և դրանց հարակից համայնքների բնակչության անվտանգության և առողջության ապահովման նպատակով մշտադիտարկումների վճար՝ Հայաստանի Հանրապետության օրենսդրությամբ սահմանված չափով և վճարման կարգով.

3.3 բնապահպանական աշխատանքների իրականացման համար դրամազվիսից ընդերքօգտագործողին տրամադրվող գումարը չի կարող գերազանցել ընդերքօգտագործողի կատարած հատկացումների չափը.

3.4 օգտակար հանածոների արդյունահանման նախագծով նախատեսված միջոցառումների կատարումից հետո ընդերքօգտագործողի կողմից բնության և շրջակա միջավայրի պահպանության դրամազվիսին վճարված գումարի մնացորդը վերադարձվում է ընդերքօգտագործողին:

**ՀՀ ԷՆԵՐԳԵՏԻԿԱՅԻ ԵՎ ԲՆԱԿԱՆ  
ՊԱՇԱՐՆԵՐԻ ՆԱԽԱՐԱՐ՝**

ԱՐՄԵՆ ՄՈՎԱՍԻՍՅԱՆ  
(անունը, ազգանունը)


  
« 22 » Օգոստոս 2012թ.  
Կ.Տ.



**ԸՆԴԵՐՔՕԳՏԱԳՈՐԾՈՂ՝**

«ՄԵԴՆԱԶՈՐ ԳՈԼԴ» ՍՊԸ  
(կազմակերպության անվանումը)

ՎԱՐԴԱՆ ՄԱՐԳԱՐՅԱՆ  
(անունը, ազգանունը)

  
« 22 » Օգոստոս 2012թ.  
Կ.Տ.



ՓՈՓՈԽՈՒԹՅՈՒՆ

ՕԳՏԱԿԱՐ ՀԱՆԱԾՈՅԻ ԱՐԴՅՈՒՆԱՀԱՆՄԱՆ ՆՊԱՏԱԿՈՎ ԸՆԴԵՐՔՕԳՏԱԳՈՐԾՄԱՆ ԹԻՎ ՊՎ-057 ՊԱՅՄԱՆԱԳՐԻ

Հիմք ընդունելով՝ ՀՀ էներգետիկայի և բնական պաշարների նախարարի 22.10.2013թ. N 169-Ա հրամանը և «Մեղրաձոր Գոլդ» ՍՊ ընկերության 2013 թվականի հոկտեմբերի 8-ի թիվ MG-01/10 դիմումը, ՀՀ կոտայքի մարզի Մեղրաձորի ոսկու հանքավայրի՝ «Մեղրաձոր Գոլդ» ՍՊ ընկերությանը տրամադրված օգտակար հանածոների արդյունահանման նպատակով ընդերքօգտագործման պայմանագրում փոփոխություններ կատարելու մասին, ՀՀ էներգետիկայի և բնական պաշարների նախարարությունը՝ ի դեմս նախարար ԱՐՄԵՆ ՄՈՎՍԻՍՅԱՆԻ, մի կողմից, և «Մեղրաձոր Գոլդ» ՍՊ ընկերությունը՝ ի դեմս տնօրեն՝ ՎԱՐԴԱՆ ՄԱՐԳԱՐՅԱՆԻ, մյուս կողմից, կատարում են հետևյալ փոփոխությունները 2008 թվականի փետրվարի 29-ին կնքած թիվ ՊՎ-057 ընդերքօգտագործման պայմանագրում .

1.Պայմանագրի 2.1. կետում տրամադրված կոորդինատները փոխարինվել է՝ 1.X=4499011 Y=8467362 H=2290.2 (h= -540.2), 2.X=4499504 Y=8469322 H=2272.3 (h= -522.3) 3.X=4499054 Y=8469540 H=2181.2 (h= -431.2) 4.X=4498832 Y=8470502 H=2060.4 (h= -310.4) 5.X=4498664 Y=8470907 H=2062.4 (h= -312.4) 6.X=4498464 Y=8470892 H=2045.6 (h= -295.6) 7.X=4498355 Y=8471652 H=1800.0 (h= -50.0) 8.X=4498255 Y=8471652 H=1800.0 (h= -50.0) 9.X=4497295 Y=8469017 H=1800.0 (h= -50.0) 10.X=4497690 Y=8467362 H=1877.0 (h= -127.0) ճշտված կոորդինատներով:

2. Պայմանագրի սույն փոփոխությունն ուժի մեջ է մտնում կողմերի կողմից ստորագրելու պահից, իսկ Պայմանագիրը շարունակում է գործել՝ հաշվի առնելով այս փոփոխությունները:

ՀՀ ԷՆԵՐԳԵՏԻԿԱՅԻ ԵՎ ԲՆԱԿԱՆ ՊԱՇԱՐՆԵՐԻ ՆԱԽԱՐԱՐ՝

ԸՆԴԵՐՔՕԳՏԱԳՈՐԾՈՂ՝  
«ՄԵՂՐԱՁՈՐ ԳՈՒԴ» ՍՊԸ

(կազմակերպության անվանումը)

ՎԱՐԴԱՆ ՄԱՐԳԱՐՅԱՆ

(անուն, ազգանուն)

(ստորագրություն)

ԱՐՄԵՆ ՄՈՎՍԻՍՅԱՆ

(անուն, ազգանուն)

(ստորագրություն)

«24» 10 2013թ.



Handwritten signature in blue ink.

«24»



ՓՈՓՈԽՈՒԹՅՈՒՆ

ՕԳՏԱԿԱՐ ՀԱՆԱԾՈՅԻ ԱՐԴՅՈՒՆԱՀԱՆՄԱՆ ՆՊԱՏԱԿՈՎ 2012 ԹՎԱԿԱՆԻ ՕԳՈՍՏՈՍԻ 20-Ի ԸՆԴԵՐՔՕԳՏԱԳՈՐԾՄԱՆ ՊՎ-057 ՊԱՅՄԱՆԱԳՐԻ

ք. Երևան

« 14 » *դեկտեմբեր* 2015 թ.

Հիմք ընդունելով՝ ՀՀ էներգետիկայի և բնական պաշարների նախարարի 14.12 2015թ. N 517-Ա հրամանը, <ՄԵՂՐԱԶՈՐ ԳՈԼԴ> ՍՊԸ-ի օգտակար հանածոյի արդյունահանման նպատակով ընդերքօգտագործման ՊՎ-057 պայմանագրի՝ <<որոնք հատակագծի վրա և ըստ խորության սահմանափակվում են հետևյալ կորդինատներով>> տողում՝ <1.X=4499040 Y=8467362 H=2290.2 (-540.2) 2.X=4499504 Y=8469322 H=2272.3 (-522.3) 3.X=4499054 Y=8469540 H=2181.2 (-380.5) 4.X=4498832 Y=8470502 H=2060.4 (-299.3) 5.X=4498664 Y=8470907 H=2062.4 (-50.0) 6.X=4498464 Y=8470892 H=2045.6 (-50.0) 7.X=4498335 Y=8471652 H=1800.0 (-282.4) 8.X=4498255 Y=8471652 H=1800.0 (-326.8) 9.X=4497295 Y=8469017 H=1800.0 (-50.0) 10.X=4497690 Y=8467362 H=1877.0 (-122.3)> կորդինատները փոխարինել՝ <1.X=4499004 Y=8467260, H=2290.2 (-540.2) 2.X=4499497 Y=8469220 H=2272.3 (-522.3) 3.X=4499047 Y=8469438 H=2181.2 (-431.2) 4.X=4498825 Y=8470400 H=2060.4 (-310.4) 5.X=4498657 Y=8470805 H=2062.4 (-312.4) 6.X=4498457 Y=8470790 H=2045.6 (-295.6) 7.X=4498348 Y=8471550 H=1800.0 (-50.0) 8.X=4498248 Y=8471550 H=1800.0 (-50.0) 9.X=4497288 Y=8468915 H=1800.0 (-50.0) 10.X=4497683 Y=8467260 H=1877.0 (-127.0) <<ARM WGS-84>> կորդինատային համակարգի> կորդինատներով և բառերով:

Սույն փոփոխությունը համարվում է՝ օգտակար հանածոյի արդյունահանման նպատակով ընդերքօգտագործման ՊՎ-057 պայմանագրի անբաժանելի մասը:

ՀՀ ԷՆԵՐԳԵՏԻԿԱՅԻ ԵՎ ԲՆԱԿԱՆ ՊԱՇԱՐՆԵՐԻ ՆԱԽԱՐԱՐ

ԸՆԴԵՐՔՕԳՏԱԳՈՐԾՈՂ՝

< ՄԵՂՐԱԶՈՐ ԳՈԼԴ > ՍՊԸ  
(կազմակերպության անվանումը)

ԵՐՎԱՆԴ ԶԱԽԱՐՅԱՆ  
(անուն, ազգանուն)

*Հ. Արսևյան*  
(անուն, ազգանուն)

*Երվանդ Զախարյան*  
(ստորագրություն)

*Հ. Արսևյան*  
(ստորագրություն)

« 14 » *դեկտեմբեր* 2015 թ.

« 14 » *դեկտեմբեր* 2015 թ.

